



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՆԵՐՔԻՆ ԳՈՐԾԵՐԻ ՆԱԽԱՐԱՐ  
ՀՐԱՄԱՆ**

№ 17 - Լ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՄԻԳՐԱՑԻԱՅԻ ԵՎ ՔԱՂԱՔԱՑԻՈՒԹՅԱՆ ԾԱՌԱՅՈՒԹՅԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՀԱՇՎԱՌՄԱՆ-ՔՆՆԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ, ԹՈՒՅԼՏՎՈՒԹՅՈՒՆՆԵՐԻ ԵՎ ԼԻՑԵՆԶԱՎՈՐՄԱՆ ՎԱՐՉՈՒԹՅԱՆ ԿՈՂՄԻՑ 2026 ԹՎԱԿԱՆԻ ՄԱՐՏ ԱՄՍՎԱ ՇՐՋԻԿ ՍՊԱՍԱՐԿՄԱՆ ԳՐԱՍԵՆՅԱԿՆԵՐԻ ՄԻՋՈՑՈՎ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑԸ ԵՎ ԵՐԹՈՒՂԻՆ ՍԱՀՄԱՆԵԼՈՒ ՄԱՍԻՆ**

Ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով և հիմք ընդունելով Հայաստանի Հանրապետության վարչապետի 2023 թվականի մարտի 14-ի թիվ 270-Լ որոշմամբ հաստատված հավելվածի 19-րդ կետի 20-րդ ենթակետը.

**Հ Ր Ա Մ Ա Յ ՈՒ Մ ԵՄ՝**

1. Սահմանել Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ՀՀ ՆԳՆ ՄԲԾ) և Հայաստանի Հանրապետության ներքին գործերի նախարարության հաշվառման-քննական ծառայությունների մատուցման, թույլտվությունների և լիցենզավորման վարչության (այսուհետ՝ ՀՀ ՆԳՆ ՀԲԾՄԹԼՎ) կողմից 2026 թվականի մարտ ամսվա շրջիկ սպասարկման գրասենյակների միջոցով մատուցվող ծառայությունների հետևյալ ցանկը՝

- 1) ՀՀ ՆԳՆ ՄԲԾ կողմից՝
  - ա. անձնագրի փոխանակում,
  - բ. հանրային ծառայությունների համարանիշի տեղեկանքի տրամադրում,
  - գ. հաշվառման տեղեկանքի տրամադրում,
  - դ. ժամանակավոր պաշտպանության վկայականի տրամադրում և (կամ) փոխանակում,
  - ե. հաշվառումից հանում,
  - զ. անձնագրերի մասին տեղեկանքի դիմումի տրամադրում,
  - է. խորհրդատվության տրամադրում.
  - ը. Ղարաբաղից տեղահանված անձանց Հայաստանի Հանրապետության

Նախագահի հրամանագրով ՀՀ քաղաքացիություն ստանալուց հետո առաջին անգամ ՀՀ քաղաքացու անձնագիր ստանալու վերաբերյալ դիմումների ընդունում:

2) ՀՀ ՆԳՆ ՀՔԾՄԹԼՎ կողմից՝

ա. տրանսպորտային միջոցի սեփականության վկայականի փոխանակում կամ կորստի դեպքում նորի տրամադրում,

բ. տրանսպորտային միջոցի հաշվառման վկայագրի փոխանակում կամ կորստի դեպքում նորի տրամադրում,

գ. տրանսպորտային միջոցի հաշվառման վկայագրում անձնագրային տվյալների փոփոխություն,

դ. տրանսպորտային միջոցի խոտանում,

ե. տրանսպորտային միջոցի հաշվառման ժամանակավոր կասեցում,

զ. սահմանափակումների մասին տեղեկանքի տրամադրում,

է. վարորդական իրավունքի վկայականի փոխանակում կամ կորստի դեպքում նորի տրամադրում:

2. ՀՀ ՆԳՆ ՄՔԾ պետ Նելլի Դավթյանին և ՀՀ ՆԳՆ ՀՔԾՄԹԼՎ պետ Արարատ Թևոսյանին՝ շրջիկ սպասարկման գրասենյակների միջոցով ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով համագործակցել պետական կառավարման և տեղական ինքնաշարժված մարմինների հետ՝ փոխհամաձայնեցված ժամանակացույցով՝ Հայաստանի Հանրապետության ներքին գործերի նախարարության լիազորությունների շրջանակում ծառայություններ մատուցելու համար:

3. Հաստատել 2026 թվականի մարտ ամսվա շրջիկ սպասարկման գրասենյակների միջոցով մարզերում մատուցվող ծառայությունների ժամանակացույցը և երթուղին հետևյալ հաջորդականությամբ՝

1) մարտի 6-ին՝ Կոտայքի մարզի Չարենցավան և Բյուրեղավան համայնքներ՝ 2026 թվականի փետրվարի 26-ին ընդունված դիմումների շրջանակներում փաստաթղթերի հանձնման աշխատանքներ,

2) մարտի 6-ին՝ Գեղարքունիքի մարզի Վարդենիս համայնք՝ դիմումների ընդունման և խորհրդատվական ծառայությունների մատուցման աշխատանքներ.

3) մարտի 6-ին՝ Կոտայքի մարզի Գառնի համայնք՝ դիմումների ընդունման և խորհրդատվական ծառայությունների մատուցման աշխատանքներ.

4) մարտի 13-ին՝ Կոտայքի մարզի Գառնի և Գեղարքունիքի մարզի Վարդենիս համայնքներ՝ 2026 թվականի մարտի 6-ին ընդունված դիմումների շրջանակներում փաստաթղթերի հանձնման աշխատանքներ,

5) մարտի 13-ին՝ Վայոց Ձորի մարզի Վայք համայնք՝ դիմումների ընդունման և խորհրդատվական ծառայությունների մատուցման աշխատանքներ.

6) մարտի 13-ին՝ Լոռու մարզի Ստեփանավան համայնք՝ դիմումների ընդունման և խորհրդատվական ծառայությունների մատուցման աշխատանքներ

7) մարտի 20-ին՝ Վայոց Ձորի մարզի Վայք և Լոռու մարզի Ստեփանավան համայնքներ՝ մարտի 13-ին ընդունված դիմումների շրջանակներում փաստաթղթերի հանձնման աշխատանքներ.

8) մարտի 20-ին՝ Գեղարքունիքի մարզի Վարդենիս համայնք՝ դիմումների ընդունման և խորհրդատվական ծառայությունների մատուցման աշխատանքներ.

9) մարտի 20-ին՝ Գեղարքունիքի մարզի Ճամբարակ համայնք՝ դիմումների ընդունման և խորհրդատվական ծառայությունների մատուցման աշխատանքներ

10) մարտի 27-ին՝ Գեղարքունիքի մարզի Վարդենիս և Ճամբարակ համայնքներ՝ մարտի 20-ին ընդունված դիմումների շրջանակներում փաստաթղթերի հանձնման

աշխատանքներ.

11) մարտի 27-ին՝ Կոտայքի մարզի Չարենցավան համայնք՝ դիմումների ընդունման և խորհրդատվական ծառայությունների մատուցման աշխատանքներ,

12) մարտի 27-ին՝ Կոտայքի մարզի Բյուրեղավան համայնք՝ դիմումների ընդունման և խորհրդատվական ծառայությունների մատուցման աշխատանքներ:

4. Հաստատել 2026 թվականի մարտ ամսին շրջիկ սպասարկման գրասենյակների միջոցով Երևան քաղաքում Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունման հնարավորությունը՝ ըստ անհրաժեշտության հրամանի առկայության դեպքում:

5. Հաստատել 2026 թվականի մարտ ամսին շրջիկ սպասարկման գրասենյակների միջոցով Երևան քաղաքում Ղարաբաղից տեղահանված անձանց Հայաստանի Հանրապետության Նախագահի հրամանագրով ՀՀ քաղաքացիություն ստանալուց հետո առաջին անգամ ՀՀ քաղաքացու անձնագիր ստանալու դիմումները ընդունման հնարավորությունը՝ ըստ անհրաժեշտության հրամանի առկայության դեպքում:

6. Հայաստանի Հանրապետության ներքին գործերի նախարարի մամուլի քարտուղար, հանրային հաղորդակցության և իրազեկման վարչության պետ Նարեկ Սարգսյանին՝ 2026 թվականի մարտ ամսվա շրջիկ սպասարկման գրասենյակների միջոցով մատուցվող ծառայությունների սահմանված ժամանակացույցի և երթուղու վերաբերյալ իրականացնել հանրային իրազեկման աշխատանքներ:

7. Հայաստանի Հանրապետության ներքին գործերի նախարարության գլխավոր քարտուղար Արա Ֆիդանյանին՝ շրջիկ սպասարկման գրասենյակների աշխատանքների իրականացման ընթացքում կազմակերպել գործուղումների պլանավորումը և ֆինանսական միջոցների հատկացման գործընթացները:

8. Սույն հրամանի կատարման նկատմամբ հսկողությունը վերապահել Հայաստանի Հանրապետության ներքին գործերի նախարարի տեղակալ Արմեն Ղազարյանին:

**Ա. ՍԱՐԳՍՅԱՆ**  
**27.02.2026թ.**

ՀԱՍՏԱՏՎԱԾ Է  
ԷԼԷԿՏՐՈՆԱՅԻՆ  
ՍՏՈՐԱԳՐՈՒԹՅԱՄԲ